

Izjava: Visoki predstavnik čestitao Izornoj komisiji BiH

Danas je okončan mandat međunarodnih članova Izborne komisije Bosne i Hercegovine, u skladu sa ranijom odlukom visokog predstavnika o prestanku njihovih mandata. Zastupnički dom BiH jučer je imenovao nove članove Izborne komisije BiH iz reda Bošnjaka i Srba, a također će imenovati predstavnika iz reda hrvatskog naroda. Potpuni prenos ove državne institucije na domaće vlasti predstavlja veoma značajan napredak za Bosnu i Hercegovinu.

OHR očekuje od Izborne komisije BiH da radi profesionalno, te da bude nezavisna od svih političkih uticaja. Na ovaj način Izborna komisija će doprinijeti jačanju demokratije u ovoj zemlji, te će sačuvati povjerenje političkih stranaka i građana BiH.